

է, որ հետաժողովայն կերպով շատ հայ վաճառականներ ստիպված են եղել առերես հավատափոխ լինել և վերագրառնալով իրենց բնակավայրը վերստին մկրտվել, որն իր հերթին տեղի է տվել նոր հետապնդումների տեղի մուսուլման բարձրաստիճան հոգևորականության կողմից<sup>1</sup>:

Ինչպես դժվար չէ նկատել մեջբերված մի քանի փաստերից, կրոնական անհանդուրժողականության և բռնի ասիմիլյացիայի քաղաքականությունը անմիջականորեն անդրադառնում էր հայ ռայաթների անտեսական կյանքին և շոշափում հրանց համար կենսական նշանակություն ունեցող անտեսական խնդիրներ:

Վերը մենք առիթ ունեցանք շեշտելու, որ իրանական կառավարող շրջանների կողմից կիրառվող ասիմիլյացիայի քաղաքականությունը հայտնի պատճառներով հայ ժողովրդի աշխատավորական խավերի մեջ իր համար նպաստավոր հող չէր գտնում, և ընդհակառակը, հավատափոխության գեպքերը հաճախակի էին հատկապես հայ շահագործող ունևոր դասի շարքերում (կալվածատերեր, վաճառականներ, առևտրականներ և քաղաքարքնակ արիստոկրատիայի այլ ներկայացուցիչներ): 14—15-րդ դդ. պատմությունից ևս հայտնի է, որ այդ դարերում մասամբ բռնի և մասամբ է կամավոր կերպով մասնազատության բնգունեցին հայ խոշոր ֆեոդալական տների մի շարք աչքի բնկնող ներկայացուցիչներ:

Այս հանգամանքը առավել ևս գալիս էր մտահոգելու հայոց եկեղեցու գործիչներին, որովհետև այդպիսով խարխրվում էին եկեղեցու ինչպես հասարակական, այնպես նաև անտեսական հիմքերը: Եվ ահա մենք տեսնում ենք, որ այս տարիների կաթողիկոս Հակոբ Զուղայեցին հանդես է գալիս ասիմիլյացիայի քաղաքականության դեմ ուղղված պայքարի գլխավոր կազմակերպչի գերում: Նա առաջին հերթին փորձում է զանազան սկզբունքային հարցերի կապակցությամբ գերագույն Իրվան-ալ-սադարաթից ձեռք բերել հաստատուն ֆեթվաներ և դրանք վավերացնել տալ շահական ֆեթմաններով: Այդ ֆեթվաները շարիաթական-նոտարական պատճեններով բազմացվում էին և ուղարկվում բոլոր թեմերին: Ապա նա շրջագայում էր խոշոր հայաբնակ կենտրոնները և ամենուրեք կազմակերպում վանքերի ու եկեղեցիների վերականգնման և վերանորոգման գործը: Նրա ստացած ֆեթվաների մեծ մասը հատկապես վերաբերում է Հայաստանի տարբեր վայրերում (Էջմիածին, Մուղնի, Խոր-Վիրապ, Մեղրի, Աղուլիս, Աստապատ և այլուր) գտնվող վանքերի վերանորոգման իրավունքներին, որովհետև ամեն անգամ երբ հայերը ձեռնարկում էին վանքերի ու եկեղեցիների վերանորոգման, տեղական շարիաթական օրդանների կողմից արգելքներ էին հարուցվում և հարկ էր լինում այդ մասին առանձին ֆեթվայով թույլտվություն ստանալ Մզահանից<sup>2</sup>: Ինչպես գիտենք, Հակոբ Զուղայեցին իրեն հատուկ եռանդով առանձին ուշագրություն էր նվիրում նաև հայերեն գրքերի ապագրության կազմակերպման հարցին:

Հայոց եկեղեցու և հայ համայնքի իրավունքները այս փաստագրումը անզոր էր կանխելու. աղգային հալածանքների և կրոնական ղեկավարների ալիքը, որը գնալով ավելի էր մոլեգնում: Երևանի բեգլարբեգ ընչաքաղց

<sup>1</sup> ՄՊՎ, Թղթ. 1ր, վավ. №№ 132ա, 132բ, 132գ, 146:

<sup>2</sup> ՄՊՎ, Թղթ. 1ա, վավ. № 67, Թղթ. 1ր, վավ. №№ 134, 136, 146 և այլն: